



REPUBLIKA E SHQIPËRISË

ENTI RREGULLATOR I ENERGJISË

Bordi

VENDIM

Nr. 240, datë 23.12.2019

MBI

**FILLIMIN E PROCEDURËS PËR MIRATIMIN E KËRKESAVE DHE
PROCEDURAVE PËR PËRCAKTIMIN E OPERATORIT TË EMËRUAR TË
TREGUT TË ENERGJISË ELEKTRIKE (NEMO) DHE ROLET DHE
PËRGJEGJËSITË E NEMOS DHE OPERATORËVE TË SISTEMIT TË
TRANSMETIMIT TË ENERGJISË NË TREGUN E BASHKUAR.**

Në mbështetje të neneve 16 dhe 57 të Ligjit nr. 43/2015 “Për Sektorin e Energjisë Elektrike” i ndryshuar, VKM Nr.322, datë 15.05.2019 “Për krijimin dhe përcaktimin e formës ligjore dhe të strukturës së pronësisë së kapitalit të Operatorit të Tregut”, Direktivën nr. 2016/1148 “Mbi Sigurinë e Sistemit dhe Sistemeve Informatike” (NIS) e njohur ndryshe dhe si Direktiva mbi “Cybersecurity, nenit 19, pika 1, gërma f dhe nenit 26 të “Rregullores të organizimit, funksionimit dhe procedurave të ERE-s”, miratuar me vendimin e bordit të ERE Nr. 96, datë 17.06.2016, bordi i ERE-s në mbledhjen e tij të datës 23.12.2019, mbasi shqyrtoi relacionin e hartuar nga Drejtoritë Teknike me nr.119/3 prot, datë 18.12.2019, në lidhje me fillimin e procedurës për miratimin e kërkesave dhe procedurave për përcaktimin e operatorit të emëruar të tregut të energjisë elektrike (NEMO) dhe rolet dhe përgjegjësitë e NEMOs dhe operatorëve të sistemit të transmetimit të energjisë në tregun e bashkuar.

Konstatoi se:

- Sekretariati i Komunitetit të Energjisë, gjatë takimit të Grupit të Energjisë të zhvilluar në Bosnjë në datë 23.10.2019, ka propozuar që në Rregulloren e licencimit për disa ndryshime në të cilën ka filluar procedurën ERE, të parashikohen edhe kriteret e funksionimit të Operatorit të Tregut të Energjisë Elektrike (NEMO), siç rekomanduar nga Bordi i Rregullatorëve të Komunitetit të Energjisë (ECRB) në mbledhjen e datës 24.04.2019.
- Bordi i Rregullatorëve të Komunitetit të Energjisë (ECRB) ka mbështetur masat rregullatore për implementimin e kushteve të Bashkimit të Tregjeve të ditës në avancë nga palët kontraktore të Komunitetit të Energjisë.
- Rregullorja për alokimin e kapaciteteve dhe menaxhimin e kongjestionëve (capacity allocation and congestion management) (CACM) përcakton qartë se për të bërë të mundur funksionimin e Bashkimit të Tregjeve të ditës në avancë të sektorit të energjisë elektrike në vendet anëtare të Sekretariatit dhe Bashkimit Evropian, duhet të përcaktohen

përgjegjësitë e operatorëve të sistemit të transmisionit (OST) dhe operatorëve të tregut të ditës ne avance (NEMO).

- Në mënyrë që operatorët e tregut të ditës në avance të jenë të integruar institucionalisht në procesin e bashkimit të tregjeve, Rregullorja për alokimin e kapaciteteve dhe menaxhimin e kongjestionëve përcakton një kornizë për përcaktimin e Operatorëve të Tregut të Energjisë Elektrike (NEMO).
- Roli i NEMO-ve është funksionimi i tregjeve të ditës ne avance dhe / ose intraday nën regjimin e bashkimit të tregjeve siç përcaktohet në Rregulloren për alokimin e kapaciteteve dhe menaxhimin e kongjestionëve. Rregullorja për alokimin e kapaciteteve dhe menaxhimin e kongjestionëve gjithashtu siguron kritere të hollësishme sipas të cilave Operatori i Tregut të Energjisë Elektrike, (Nominated Energy Market Operator) (NEMO) do të përcaktohen dhe funksionojnë.
- ENC ka propozuar që ERE të marrë masa për të hartuar/integruar në aktet rregullatore, objekt miratimi e shqyrtimi nga ERE edhe kriteret e ushtrimit të veprimtarisë së Operatorit të tregut.
- Në vlerësim të sugjerimeve të Sekretariatit në lidhje me parashikimin e kriterëve të Operatorit të Tregut të Energjisë Elektrike (NEMO), u hartua drafti i cili rrefekton propozimet e sekretariatit si dhe të Bordit të Rregullatorëve të Komunitetit të Energjisë (ECRB)
- Për gjithë sa më sipër cituar Bordi i ERE-s,

VENDOSI

1. Fillimin e procedurës për miratimin e kërkesave dhe procedurave për përcaktimin e operatorit të emëruar të tregut të energjisë elektrike (NEMO), rolet dhe përgjegjësitë e NEMO-s dhe operatorëve të sistemit të transmetimit të energjisë në tregun e bashkuar.
2. Drejtoria e Çështjeve Ligjore të njoftojë të interesuarit për vendimin e bordit të ERE-s.

Ky vendim hyn në fuqi menjëherë. Për këtë vendim mund të kërkohet rishikim brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI
Petrit AHMETI